

قصيدتان لسمو الشيخ ناصر بمناسبة تخرج سمو الشيخ خالد

من فرحتي قمت اجر الصوت بلحالي
وابيات شعر تسامرني وسامرها
وشلون مافرح واطوع صعب الامثالي
فالقلي علوم الوفا والعز سايرها
خالد ومن غير خالد لاحتمى الصالي
اللي يمثل اصغار القوم واكبرها
وقفت ابارك واهني ذرب الافعالي
ونفسي تسابق من الفرحة مشاعرها
مبروك مليون مره وانت في بيالي
ياللي عيوني على شانك مسهرها
يابن الملك العظيم الحاكم الوالي
مليون مرة ما تكفي لو اكررها
اكتب قصيدي فخر ويطيب موالي
وأطرب على شوفتك والناس أفاخرها
والمملكة تفتخر بانجازك الحالي
وتقول كملت ماضيها بحاضرها
سقت الفرح للبلد يا طيب الفالي
بأفعاك اللي محد غيرك بيقدرها
من طيب ساسك عيونك دوم للعالي
كلك طموحات ما نقدر نفسرها
لك هيبه «في اللقا يا نسل الأبطالي
ولك نظرة» كل عدوانك تصورها
بالفارس الوالي يا فخر الأجيالي
فيك العزائم كان الله مسخرها
الله يحفظك لنا من شر الأهوالي
ويعز دارك ويحميها وينصرها
كتبت لك من هجوسي ماتهيالي
ولا الغلا والمحبه انت خابرها
كتبت لها لك ودمع العين يبرالي
من فرحتي صارت دموعي محابرها
هذي نهاية كلامي وآخر اجزالي
وصح الله السان سامعها وشاعرها

قصيدة لسمو الشيخ ناصر بن حمد آل خليفة



يقول ناصر عريب الجد والخالي
ولشعار تزهى وتفخر بسم شاعرها
وانا بيوتتي تجي عسرات وجزالي
لاقلتها من فخر هزت منابرها
خصوص لا جات في غالي وابن غالي
ينبض بها القلب ولساني يعبرها

قال الذي عن هزل الأشعار شاييم
عنده لجزلات المعاني مفاتيح
شاعر ولا اخشى فالشعر لوم لايم
والعب بشعري مثل لعب المسابيح
اقلط على الجزلات مثل الولاييم
على فقار الحيل ولا المفاتيح
واسكر على الفرعه وحذف العمائم
وافرح بشوف اهل الوجيه المفاتيح
وان عودت ما بين قاعد وقايم
من عادتني لانيب لا اعد ولا اطيح
يابوي والله ما عرفت الهزاييم
مادام نورك في دروبي مصابيح
لجلك ولأجل ارضاك سقت العزاييم
امشي سوات السيل واعصف كما الريح
والى تكلم عاذلي بالنمايم
والله لازيحه عن طريقي ولا ازيج
والله ما يقدر علي اللزاييم
ولا يحصل من وراي المرابييح
وكانه يحسب الجو كاتم وغايم
ترا المطر عقب السحاب المراويح
حنالها لا حام فالجو حايم
نارد على حياض المنيا مشافيح
حنالها في نهار العظاييم
ازحول ومطنخ وروس وزحازيح
الى ركبنا معلقات الشكايم
نذود دون الدار والقطر الفيح
يا سيدي جينا لك اكبر غنايم
والنصر واضح ما يبي اي توضيح
على النقا مافيه بايع وسايم
وماظنتي للصح يحتاج تصحيح
هذا كلام الصدق والصدق دايم
وقبل انتهى ودي اصرح بتصريح
دامك معي هايم وانا فيك هايم
والله لا اقول لسائر الناس فقريح